

Na osnovu Programa o vrstama , kriterijima i načinu raspodjele novčanih sredstava iz Granta za razvoj poljoprivrede u Gradu Cazin br: 01/GN-20-2594/22 od 14.02.2022. god. i Pravilnika o utvrđivanju uslova, kriterija i postupka za ostvarivanje prava na subvencioniranje nabavke poljoprivredne opreme, poljoprivredne mehanizacije i priključnih uređaja za iste br. 01/GN-20-10911/22 od 29.08.2022.godine, Gradonačelnik raspisuje:

JAVNI POZIV
za ostvarivanje prava na subvencioniranje nabavke poljoprivredne opreme,
poljoprivredne mehanizacije i priključnih uređaja za iste

Grad Cazin raspisuje Javni poziv za podnošenje zahtjeva za ostvarivanje prava na subvencioniranje nabavke poljoprivredne opreme, poljoprivredne mehanizacije i priključnih uređaja za iste.

U okviru subvencioniranja nabavke poljoprivredne opreme, poljoprivredne mehanizacije i priključnih uređaja za iste, prihvatljivi troškovi su:

- a) kupovina poljoprivrednih mašina i priključnih uređaja,
- b) kupovina poljoprivredne opreme za proizvodnju, preradu i doradu poljoprivrednih proizvoda.

Subvencioniranje nabavke poljoprivredne opreme, poljoprivredne mehanizacije i priključnih uređaja za iste, subvencionirat će se po korisniku u iznosu 50 % od ukupne vrijednosti poljoprivredne opreme, poljoprivredne mehanizacije i priključnih uređaja za iste, a maksimalno do 4.000 KM po korisniku.

I PRAVO UČEŠĆA

Pravo na učešće imaju lica koja su upisana u RPG i RK do objave Javnog poziva za subvencioniranja nabavke poljoprivredne opreme, poljoprivredne mehanizacije i priključnih uređaja za iste i izvršili nabavku poljoprivredne opreme, poljoprivredne mehanizacije i priključnih uređaja za iste do 01.09.2022. godine.

II USLOVI

Podnosioci zahtjeva treba da ispunjavaju slijedeće uslove:

OPĆI USLOVI:

- da je državljanin/ka Bosne i Hercegovine,
- da ima prebivalište na teritoriji Grada Cazina,
- da je upisan **RPG/RK do 01.09.2022.godine,**

- ulaganje mora biti provedeno na registriranom poljoprivrednom gazinstvu do 01.09.2022. godine,
- da ukupna primanja po članu domaćinstva ne prelaze 450 KM ,
- da podnosilac zahtjeva nije koristio bespovratna sredstva iz Granta za razvoj poljoprivrede Grada Cazina i podrške sa drugih nivo vlasti za iste ili slične namjene u zadnje 3 godine,
- da podnosilac prijave nema dospjelih, a neizmirenih poreznih obaveza za prethodnu godinu prema Kantonalnoj poreznoj upravi (dokaz uvjerenje).

POSEBNI USLOVI:

Prihvatljivi troškovi su:

- a) Nabavka novih poljoprivrednih mašina i priključnih uređaja za iste
- b) Nabavka nove poljoprivredne opreme
 - Stočarstvo (oprema za mašinsku mužu stoke, muzne jedinice, oprema za hlađenje i skladištenje mlijeka, oprema za napajanje i hranjenje stoke, stočna vaga, oprema za čišćenje i dezinfekciju objekata, električni čuvari za stoku)
 - Peradarstvo (oprema za hranjenje i napajanje peradi, oprema za grijanje peradarnika, oprema za držanje kokoa nesilica, oprema za sakupljanje, sortiranje i pakovanje jaja, oprema za čišćenje i dezinfekciju peradarskih objekata)
 - Voće, povrće, ljekovito i aromatično bilje (oprema i uređaji za hlađenje i zamrzavanje, oprema za sušenje, oprema za sortiranje i kalibriranje, oprema za pakovanje i označavanje).

Navedeni prihvatljivi troškovi odnose se na period od 01.01. do 01.09.tekuće godine.

Osnov za izračunavanje podrške je dostavljena faktura koja se odnosi na prihvatljive troškove iz liste prihvatljivih troškova u periodu od 1.01. do 1.09. tekuće godine sa dokazom o uplati po fakturi dostavljenoj od strane dobavljača, a sve u skladu sa Zakonom o PDV-u .

Klijent može ostvariti pravo na subvenciju samo za jedan zahtjev u okviru jedne pojedine mjere prihvatljivih troškova po osnovu ovog Javnog poziva,; a) ili b).

Ako ukupan iznos obračunatih zahtjeva bude veći od iznosa sredstava utvrđenih **Programom o vrstama, kriterijima i načinu raspodjele novčanih sredstava iz Granta za razvoj poljoprivrede u Gradu Cazin br: 01/GN-20-2594/22 od 14.02.2022. god** , izvršit će se proporcionalno smanjenje svih odobrenih pojedinačnih iznosa.

Ukupna primanja po članu domaćinstva će se obračunati na osnovu dostavljanih dokaza o:

- broju članova zajedničkog domaćinstva-kućna lista (ovjerena izjava)
- visini primanja svih punoljetnih članova domaćinstva, ako su nezaposleni dokaz o nezaposlenosti (Uvjerenje službe za zapošljavanje, Uvjerenje Porezne uprave ili dokaz o školovanju)
- za maloljetne članove domaćinstva rodni list ili đaćka knjižica

III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Prijavni obrazac
2. Kopija lične karte
3. Potvrda iz **RPG/RK**
4. Ovjerena izjava da podnosilac prijave nije koristio bespovratna sredstva iz Granta za razvoj poljoprivrede Grada Cazina i podrške sa drugih nivo vlasti za iste ili slične namjene u zadnje 3 godine,
5. Ovjerena izjava klijenta da će dobivena sredstva namjenski koristiti i da neće izvršiti otuđenje predmeta subvencioniranja najmanje 3 godine od dana isplate
6. Potvrda o izmirenju poreskih obaveza za prethodnu godinu prema Poreznoj upravi FBiH (original ili ovjerena kopija);
7. Fiskalni račun i otpremnicu na ime podnosioca zahtjeva za kupovinu poljoprivredne opreme, poljoprivredne mehanizacije i priključnih uređaja za iste.
8. Ovjerena kućna lista,
9. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji Uvjerjenje Porezne uprave ili dokaz o školovanju,
10. Uvjerjenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
11. za maloljetne članove domaćinstva rodni list ili đaćka knjižica

IV PROCEDURA ODABIRA KORISNIKA

Postupak po Javnom pozivu za podnošenje zahtjeva za ostvarivanje prava na subvencioniranje nabavke poljoprivredne opreme, poljoprivredne mehanizacije i priključnih uređaja za iste provest će Komisija koju je imenovao Gradonačelnik.

Komisija će izvršiti pregled prispjelih prijava, evidentiranje kandidata koji ispunjavaju uslove iz Javnog poziva, sačinjavanje liste krajnjih korisnika na osnovu utvrđenih kriterija za bodovanje te istu dostaviti Službi za poljoprivredu.

Rang lista odabranih kandidata će biti objavljena na oglasnoj ploči Grada i službenoj web stranici.

NAPOMENA:

Obrasci zahtjeva za prijavu mogu se preuzeti na info pultu **Grada Cazina ili službenoj web stranici Grada**. Dokumentaciju traženu Javnim pozivom predati u zatvorenoj koverti na protokol Grada Cazina sa naznakom „Za Javni poziv za podnošenje zahtjeva za ostvarivanje prava na subvencioniranje nabavke poljoprivredne opreme, poljoprivredne mehanizacije i priključnih uređaja za iste. Rok za podnošenje zahtjeva je 15 dana, od dana objavljivanja Javnog poziva na **web stranici Grada Cazina**.

Sve dodatne informacije mogu se dobiti u Službi za poljoprivredu Grada Cazina svakim

radnim danom od 09,00-13,00 sati na kontakt telefon: 037/515-351 ili 037/515-314.

Nepotpuna, neuredna i neblagovremena dokumentacija neće se uzimati u razmatranje.

Broj: 01/GN-20-_____/22

Datum: 01.09.2022. godine

GRADSKA KOMISIJA
